



Tir Yimym

www.tiryimym.in

Regd. No. RNI. NAGAAO/ 2004 / 13113. Postal-NE/RN-717.

e-mail : tiryimym@gmail.com

TAPAK 7

Yangia anidakangma :



Tir Yimym



tir_yimym



tir yimym

TAPAK 8

**US-i Ukraine nem security
teyari maneni agütsütsü**

**Gill nem ICC Player of the
Month naroküm agütsü**



VOL. XXII ISSUE NO. 148 (ADOK 148) DIMAPUR YANGTEPNÜ (THURSDAY) METSÜREMI (MARCH) 13, 2025 ₹ 5.00

Minister Kaito-i o meyipa agitsüla: NFHRCC

Dimapur, March 12, 2025

(TYO): Nagaland Foothills Road Coordination Committee (NFHRCC)-i PWD Road & Bridges Minister G. Kaito dang tawa pai Assembly nung jembiba meyipa agitsü metetdaksüogo.

NFHRCC-i contract mapa meshi, nüngdakba criteria matong aser registered contractors ajanga mapa agütsü ta Minister Kaito-i jembiba ajakji tiyazü aser pa ama yimsüsür tejen kati yamai jembiba ya tim masü ta parnoki ashi.

Pai ashiba ama masü saka NPWD, R&B-i ang NFHRCC dang qualified contractor firm ka nem contract works 4 lezmüksütsü mepishi aser iba atema sub-committee ka tentet. Iba ludeni kulitem jangiatepba sülen department dangi October 28, 2024 nü endorsement letter yok ta NFHRCC-i ashi.

Iba mapatong atema contractors meshim dang May 8, 2024 nü committee-i Department nem contractor tem shimba dak sendakba onük 7 aliba Memorandum ka agütsü aser iba kasaji May 9, 2024 nü osangkakettem nunga sangdonga liasü ta NFHRCC-isa

metetdaksü.

NFHRCC-i department nem agütsüba memorandum nung qualified registered contractors shimba nung kanga kümdangtsü, Naga nung lanur contractors nem maongka agütsütsü aser qualified contractors shia nem kilometer 10 nungi 15 tashi dang lezmüksütsü shia liasü.

Parnokisa qualified contractor nem tesem ka dak tali mapa melemzüksütsü aser prescribed SOR kübok mesüra 5% tashi dang mapa lezmüksütsü metetdaksü.

Mapa lezmükba timi aser mapang shitak nung inyaksü atema Department, contractors aser NFHRCC tsüngda tripartite agreement ka nung sign süteptsü atema NFHRCC-isa department dang ashi.

Parnokisa division shia nung CE Testing Co.Ltd alignments sülen anidaksü aser division shia nung actual technical DPR nung ajemdaker senotsü agütsütsü department dang ashi.

Item onük nung ajemdaker NFHRCC-i PWD, Road & Bridges Minister Kaito dang pai Assembly nung jembiba meyipa agitsü nenshia metetdaksüogo.

NU kaketshir 43-i UGC-NET 2024 nung takok angu

Dimapur, March 12, 2025

(Agencies): February 22, 2025 nü sangdongba UGC-NET 2024 nung nung Nagaland University nungi kaketshir 43-i takok nguogo.

Kaketshir 43-i junior research fellowship programme, NET (assistant professor) aser NET (admission to PhD) atema takok angu ta PRO, Nagaland University, Peter Ki-i sangdong ka nung ashi.

Department 12 nungi kaketshir 43 rongnungi kaketshir anati JRF atema takok angu.

Kaketshir 29-i assistant professor atema takok nguogo ser parnoki higher education

institutions nung tesayur inyaktetsü. Tanüngba kaketshir 12-i PhD programmes nung admission atema NET nung takok nguogo. Parnoki academic research den specific subjects nung tajungba angazüka otettsü.

NU Vice-chancellor Prof JK Patnaik-ia takok anguba kaketshir ajak nem tenüsang agütsüogo.

"Iba takok ajanga parnok academic excellence sayur aser university nung academic aser research wadang junga aliba kuli agütsür. NU-i higher learning aser research atema kaketshirtem aniteter aser academia, research, aser teaching asoshi kaketshirtem renemtsür" ta Patnaik-isa ashi.

Northeast nung tsüingsang majungtsü: IMD

Guwahati, March 12, 2025

(Agencies): March 11, 2025 nungi tenzüker taruba anogo pungu tashi Northeast India nung tzünglu arutsü, yipru aittsü aser mopung tesashi aontsü ta parnokisa ashi.

Arunachal Pradesh nung March 11 nungi March 15 tashi tzünglu terara aruba den rü alatsü. Iba mapang tesem kar nung tsüngmok atena yipru aittsü aser tsüingi aitsü ta IMD-i ashi.

Assam aser Meghalaya nunga March 11 nungi March 15 tashi

tzünglu arutsü, tsüngmok atena yipru aittsü aser mopung tesashi (30-50 km/h) aontsü ta parnokisa ashi.

Nagaland, Manipur, Mizoram, aser Tripura nung March 11 nungi March 16 tashi tzünglu terara arutsü, yipru aittsü aser mopung aontsü (30-40 km/h) ta IMD-isa metetdaksü.

Iba nung ajemdaker IMD-i Assam aser tanga Northeast state tem asoshi "yellow alert" metetdaksüogo aser nübortem dang tsüingsang-mopung osang metetpelaa agitsü metetdaksüogo.

Dr. Neiphiu Rio-i Tuli sub-division renloktsü nangzük



Dimapur, March 12, 2025

(TYO): Chief Minister, Dr. Neiphiu Rio-i March 12, 2025 nü Mokokchung district kübok Tuli sub-division semdangogo.

CM Rio-i terenlok mapatongtem asadangtsü aser nübortem den ajurutepa sensaksemtsü atema Tuli semdanga liasü.

CM Rio-i nübortem den ajurutepa sensaksem dang sorkar policy tem, teinyakdak mapatongtem aser tarutsü sentongtem lemsatop.

Paisa Viksit Bharat@2047 nükjiding indang jembidang 2047 nung India linük renloktsüba alizüng nung Nagaland-ia putepa anidaksüla ta ashi.

Linük nüjiso ngur küm 100 abensadang linük renloktsüba nung nübor ajaki külemi yariteptsüla ta Rio-i ayongzük.

"Foothill Road yangluba nung nübortemi shilem tajung agiba atema pelar. Nenok ajanga iba mapatong tashi itta inyaker aser sorkari connectivity o infrastructure tajungba akümtsü

tenangzükba lir" ta CM Dr. Rio-i ashi.

"State sorkari Tuli nung railway connectivity tajungba akümtsü atema Ministry of Railways den jembitepdar. Iba train lenmang ya goods transport atema dang masü saka passenger services dendaktsütsü atema merangdar" ta paisa ashi.

CM Dr. Rio-i tongtipang onük ka jembisembaji Tuli Paper Mill asentenshia lapoktsü atema liasü aser iba ya nübortemi mapang talangka nungi aginüa aruba onük ka lir.

State sorkari 3ACSL Company den mill asentenshia lapoktsü atema tenangzükba agia inyaker. Iba ajanga mapa inyaksü maongka den industry renloktsü ta paisa metetdaksü.

Dr. Rio-isa nübortem dang meranga inyaksü ayongzük aser mapa ajak inyaksü ajungmesotsü.

Tanü pa Tzudikong Town helipad nung anenzükba sülen Wameken yimtsüng semdang aser idakji Wameken Village Council Hall (Panchayat Bhavan)

tasen lapoktsü.

CM Dr. Rio-isa Kangsung yimtsüng nung Sentimeren Memorial Watch Tower semdanga liasü.

CM Dr. Rio-i Longnakba Lenden Tuli Railway Station semdang dang sorkari Tuli nung connectivity tajungba akümtsü merangba indang ashi. Iba sülen pai Foothill Road yangluba tesem semdang aser rongsenketzung o lokti renloktsü atema road infrastructure tajung alitsü indang jemb.

Tanü Rural Development & SIRD Minister Metsubo Jamir; Fisheries & Aquatic Resources Advisor A. Pangjung Jamir; Geology & Mining & DUDA Advisor W. Chingang Konyak; MLA Y. Mhonbemo Humtsoe aser MLA Benei M. Lamthiu nungeri Chief Minister Dr. Rio meina senzü.

Parnok den Additional Secretary to the Chief Minister, Sentiwapang Aier aser Mokokchung headquarters o Tuli Sub-Division nungi ketdangsürtem aden.

Pakistan train nungi passenger ajak kümzükogo; sepai 28 asü

Islamabad, March 12, 2025

(Agencies): Pakistan nung telungpurtemi train passengers pur aoba ajak chiokogo aser iba maparen nung sepai 28 asü ta Army ketdangsür kati ashi.

"Iba tesem nung kiralongrar 33 aliba ajak tepsetogo. Onoki

final clearance operation mapang passenger kati danga lendong majuru. Iba ya masüdang kiralongrartemi passenger 21 tepset" ta DG ISPR-i ashi.

Mongulbar anüngdang Balochistan province nung telungpur telok kati train ka amak aser idakji mena aliba passengers

450 tema pur ao.

Iba atema Baloch Liberation Army (BLA)-i tenüng agiba metetdaksüogo aser tanü parnoki train lenmang poksatsüba, tenemlem nungi prangpong abenertem aruba aser train takdangtem telungi aiba video ka sayuogo.

Dimapur ATM kakpoka sen auyartem puogo

Dimapur, March 12, 2025

(TYO): February 20, 2025 nü Dimapur kübok Kuda village B-Khel nung aliba State Bank of India ATM booth kakpoka sen auyartem puogo.

Dimapur police-i Assam nungi iba ATM nungi sen auyaa bener nisung 4 puogo.

Par pezü ya Morigaon, Assam nungi Amir Hussian (41),

Haflong, Assam nungi, Raja Deb (25), Hojai nungi Sana Ullah (38 yrs) aser Nagaon, Assam nungi Harun Rashid (29 yrs) nunger ta jangjaogo.

Amir Hussian ya tang Diphupar nung, Raja Deb ya Dillai Sunday bazaar, Assam nung aser Harun Rashid ya Eralibill, Dimapur nung telidak lir.

March 11, 2025 nü Nagaland police-i Dillai Sunday bazaar area nung nisung ana apu ta SDPO Bokajan-i kuli agütsüogo.

Tanüngba nisung anaji Hojai, Assam nung apu aser parnok ajak Dimapur-i anir aruogo.

February 20 aonung nisung kari osettsüset bener arua ATM machine kakpoker Rs. 25 lakhs agiteta bener ao.

Mokokchung nung PWD Office Complex semzükogo



Tongdentsuyong Ward, Mokokchung nung March 12, 2025 nü PWD Office Complex semzükba sentong nung Minister, Housing & Mechanical Engineering, P. Bashangmongba Chang-i jembidang tangokba noksa nung angur.

Dimapur, Metsüremi/March 12 (TYO): Minister, Housing & Mechanical Engineering, P. Bashangmongba Chang-i March 12, 2025 nü Tongdentsuyong ward, Mokokchung nung PWD Office Complex semzüktsü.

Iba sentong nung jembidang, Chief Minister, Dr. Neiphiu Rio-i mangdang tajung yur state nung ki o jen yangluba nung temulung agütsüba atema Minister Bashangmongba Chang-i pelaba lemsatap.

Iba project ya Nagaland kanga junga asameyanga tanü tensa den apet yanglutsü pa indang mangdang sayur, ta pai ashi.

Iba ki tasenba ya Mokokchung district aser alema oa tejakleni aoba aser terenlok temaitsü, kong mapa inyakterem sadoksayima inyaksüsa yanglua lir, nüburtem nem service tajungba agütsütsüsa, ta pai ashi.

State nung Public Works Department ya tongtipang department ka lir, koba ajanga indang indanga lenmangtem, ki o jen yanglur aser complex tasen ka bendenlokba ajanga department-i mapang shidak nung nübur nem service agütsütettsü, ta Minister Bashangmongba Chang-i ashi.

Pai ketdangsür aser staff tem dang ochi shia bendanga

agütsür nübur tenzüksü ajungshia liasü.

Iba sentong nung CE PWD(H), Er. Hozheto Shikhu aser Imti Ozukum, Tongdentsuyong Ward Chairman natia o tatsütsü jembia liasü aser J.E.PWD(H) Mokokchung Division, Er. Talitemjen Jamir-i technical report agütsü.

Sentong nung E.E. PWD (H) Mokokchung Division, Er. Chengato Kath menden liasü, S.E. Circle-1PWD (H), Kohima, Er. Supongliba-i melepzüng o jembia aser MTBA Pastor Monglier-i iba ki meshiteta sarasadema liasü.

Medziphema nung child rights awareness agütsü

Dimapur, Metsüremi/March 12 (TYO): Nagaland State Commission for Protection of Child Rights ajanga Conference Hall, Medziphema City Centre, Chümoukedima nung March 12, 2025 nü child rights indang awareness sentong ka ayongzüka liasü.

Sentong nung Chairman, Nagaland State Commission for Protection of Child Rights (NSCPCR), Alun Hangsing ajanga tayongzüka o jembidang tila tanur temeden indang awareness sentong ayongzüka nukjidong, tila tanur temeden puti otsü aser koma amshi tenzük aser kechi komaka tongtipang ta asüba rateta ashi.

Pai tila tanurtem atema fundamental rights ter rasaa ashi.

Tila tanurtem ya lokti ka tongtoret lir aser tarutsü jenjang par ket nung lir, ta Hangsing-i

ashi.

Pai tila tanurtem dak sendakba nung NSCPCR policies, ozüng, sentong aser inyakyim balala indang lemsatap aser NSCPCR ajanga tila tanur temeden asoshi nokdakba rajema ashi.

Aying Wangsha, Member, NSCPCR ajanga Right to Education dak senakba temeden rasaa ashi, Akumla Longchar Member, NSCPCR ajanga POCSO Act (Protection of Children from Sexual Offences) aser IIS implementation indang jembia liasü.

Tila tanurtem mapa tamajung inyakba nungi kumzüka ayutsü asoshi POSCO Act yangluba, POSCO Act nung tongtipang temetettsütem, temerenshi amala lai lemsatapa liasü.

Maneni Lichani Murry, Legal Consultant NSCPCR ajanga

Juvenile Justice (Care and Protection of Children) Act indang angatetdakja liasü.

Sentong nung ADC Medziphema, P James Swu ajanga Nagaland State Commission for Protection of Child Rights dang pelaba lemsatap aser nüburtem nem angatetdaksütsü asoshi iba ama sentong maneni ayongzüksü ajungshia liasü.

Iba sülen sensaksemba mapang nung mangatetba aser merajemba tem Commission züngsemtem dang asüngdangya jangjatepa liasü. Iba sentong nung Mhaseto Rhakho, Project Coordinator Child Helpline, Chümoukedima menden liasü aser District Child Protection Officer, Chümoukedima, Nikito Zhimomi-i melepzüng o jembia.

Senior IAS officers temi Nagaland Bamboo Resource Centre semdang

Dimapur, Metsüremi/March 12 (TYO): 126th Induction Training Programme (ITP) nung shilem ka ama March 11, 2025 nü state 10 nungi senior IAS officers 20-i Nagaland Bamboo Resources Centre, Sovima semdanga liasü.

Iba mapang Dr. Tolto Metha, Member, NBM-IT ajanga

resource sector nung süngkum koda tongtipang ta asüba den technical tsütsü shisatsü lemsatapa liasü.

Iba sentong ya Lal Bahadur Shastri National Academy of Administration (Govt. of India), Mussoorie ajanga ayongzüka liasü.

Dimapur nung police assistance booth aser public toilet semzük



Dimapur, Metsüremi/March 12 (TYO): Deputy Commissioner of Police (DCP) Dimapur, Khrusa Keyho-i March 12, 2025 nü Dimapur nung Blue Hills Bus Station

anasa Flyover Bridge tetsünglen police assistance booth ka aser public toilet ka semzükja liasü.

Nisung telok alidak nüburtem aser ozüng amshirtemi nungdakba ajiteta iba facilities ya Dimapur Municipal Council (DMC) nung Ward 5 nungi Councillor Kuhoi Zhimo yangluja liasü.

Sentong nung jembidang Kuhoi Zhimo-i senzüsemponger aser talisa teintet rogo aser matamabensar atema metzü meshidak tesem nungdakba indang ashi. Paisa police assistance booth tajungba nungdaker ta ashi, aser sorkari iba amala facility agütsüdang nüburia shilem agütsüji tongtipang lir ta ashi.

"Police assistance booth yagi sepaitem anüngdang aser aonung parnok mapa tajungba nung inyaktettsü," ta Zhimo-i

ashi aser Nagaland Chief Minister Neiphiu Rio aser Deputy Chief Minister Y. Patton na dak terenlok mapa asoshi mangdang aliba tenüngsang agütsü.

DCP Khrusa Keyho-i iba police assistance booth ya ammag-sangwa metitemi lapoka nüburtem nem mashi mapang nungdakba service agütsütsü ta ashi.

Paisa metzü meshiba tesem tasenba ya nüburtem asoshi lir ta ashi aser Nagaland Police aser Commissioner of Police, Dimapur tenüng nung Keyho-i Kuhoi Zhimo dang pelaba lemsatapa liasü.

Kasa sentong nung jembidang Dimapur Urban Council Chairmen Federation (DUCCF) President, Zasiviko Zakiesato-ia DMC councillors dak nüburtemi imlaba ya tali kumogo ta ashi aser councillors ajunga dang pei ward nung nübur asoshi mapa tajung inyaksü ayongzüka aser Zhimo-i tatishitsü tajung sayuba asoshia pelaba lemsatapa liasü.

SPONSORED BY: Office of the Development Commissioner (Handlooms), Ministry of Textiles, Government of India, New Delhi

ORGANISED BY: NAGALAND HANDLOOM & HANDICRAFTS DEVELOPMENT CORPORATION LTD. (A Govt. of Nagaland Undertaking)

My Handloom My Pride

WELCOME TO

State Handloom Expo (SHE)

HATHKARGHA MELA

Under Aatmnirbhar Bharat Utsav

At Urban Haat Dimapur, Nagaland

DATE : 06TH TO 19TH MARCH, 2025

TIME : 10:30 AM TO 5:30 PM

District Hospital Mon atema ambulance ana semzükogo

Dimapur, Metsüremi/March 12 (TYO): Advisor, Social Welfare, Wangpang Konuak-i March 11, 2025 nü District Hospital Mon nem Advanced Life Support (ALS) ambulances ana amokja liasü.

Iba nungtem nung sentong ka agidang Advisor Wangpang-i iba mapa asoshi NHPC Ltd. nem tenüngsang agütsü aser item ambulance yagi district nung shirangertem nem teyari tulu agütsütsü ta ashi.

Mon indang healthcare system tajungba kumdaktsüba nung lenmang sayuba aser yariba atema pai Deputy Commissioner, Mon, Ajit Kumar Verma aser Minister, Health & Family

Welfare, P. Paiwang aittsü asoshi maneni Konyak nem tenüngsang agüja liasü.

Pela agizükba o jembidang Corporate Social Responsibility (CSR) kübok ambulance agütsüba aoshi M.S. District Hospital Mon, Dr. Aman Konyak-i NHPC Ltd. dang pelaba lemsatapa liasü.

Paisa healthcare sector nung Deputy Commissioner, Mon ajanga CSR teyari maneni bener aruba atema tenüngsang agüja liasü.

Chief Medical Officer, Mon ajanga melepzüng o jembidang, stakeholders temi yaritepba atema pelaba ashi aser Mon nung healthcare facilities tashi

Iba sentong nung BPM Mon Block, Pongchai Konyak menden liasü.

Taoba hopta NHPC Ltd nungi CSR teyari kübok Mon district nem ALS ambulance ana aser tasüman abenba gari ana agüja liasü.

Deputy Commissioner Mon, Ajit Kumar Verma-ia NHPC Ltd. dang pelaba lemsatap aser par administration-i healthcare ki o jen tajungba kumdaktsütsü asoshi inyaker, ta ashi.

Pai medical department dang mozüki nung osettsüset nungdakba osang agütsütsü ayongzüka liasü.

India aser Mauritius na tsüngda tezüngzüktep 8 agiogo

New Delhi, Metsüremi/ March 12 (Agencies): Ato kilonser Narendra Modi-i Mauritius semdangba mapang nung linük ana tsüngda asalentong tsütsü amalitep aser rongsenkettzüng tsütsü amalitep jenjang ano tajungba akümtsü atema tezüngzüktep aika agiogo, ta Bodhbarnü ketdangsertemi metetdaksü.

Central Bank of Mauritius aser Reserve Bank of India (RBI) nati Local Currency Settlement System tezüngzüktep agi, aser iba ya senotsü transactions temelaba akümtsü atema lir.

Iba dak alia Government of Mauritius aser State Bank of India (SBI) nati Central Water Authority's Pipe Replacement Programme kübok projects balala inyaksü atema Credit Facility Agreement agi.

Linük ana tsüngda security tsütsü amalitepa inyaksü atema Institute of Foreign Service of India aser Ministry

of Foreign Affairs, Regional Integration & International Trade of Mauritius nati training programs atema tezüngzüktep ka agi.

Indian Navy aser Mauritius Police Force na tsüngda White Shipping Information lemsateptsü aser tzüym nung security atema amalitepa inyaksü asoshi Technical Agreement ka agi.

Senotsü dak sendakba nung ozüng alema inyakba mapatem anema longjemer raratsü asoshi Financial Crimes Commission of Mauritius aser India Enforcement Directorate nati tezüngzüktep ka agi. Iba dak alia Small Business Development ajungkettsütsü atema Ministry of Industry, SMEs & Cooperatives of Mauritius aser India Ministry of Micro, Small & Medium Enterprises na tsüngda tezüngzüktep ka agi.

Public officers training atema Ministry of Public

Service and Administrative Reforms of Mauritius aser India National Centre for Good Governance na tsüngda tezüngzüktep ka agi. Tzüym nung research agitsü aser resource management atema Indian National Centre for Ocean Information Services aser Department for Continental Shelf, Maritime Zones Administration & Exploration of Mauritius na tsüngda tezüngzüktep ka agi.

Ato kilonser Narendra Modi-i mapang shia, India ya terenlok tsütsü partner tajung ka ta jembir. India-i alima tesem balala nung infrastructure terenlok, healthcare, shisaliok aser connectivity project balala inyakba nung yariteper.

Ato kilonser Modi-i Mauritius semdangba mapang nung Civil Service College ka aser Area Health Centre ka semzüksüogo. Project anaprongla nung India-i yaritepa liasü.

Lok Sabha nung The Immigration and Foreigners Bill, 2025 benok

New Delhi, March 12 (Agencies): Bodhbarnü Centre sorkari Lok Sabha senden nung The Immigration and Foreigners Bill, 2025 benokogo.

India nunger arrtsü kümzüksü aser bendangertem azüokba dak sendakba ozüng tajungba akümtsü nükjidong nung iba bill benoker, ta sorkari metetdaksü.

Iba Bill ya ajanga Immigration (Carriers' Liability) Act, 2000 den linük nüchiso mangudang aliba ozüng asem-Passport (Entry into India) Act, 1920, Registration of Foreigners Act, 1939 aser Foreigners Act, 1936 melentsü.

Iba Bill benokdang Minister of state (MoS) home affairs, Nityanand Rai-i, "Onoki iba ozüng ya India-i tangar kar aruba nokdangtsü atema benoker masü. India-i nisung teimba arutsü melunga lir, ajisüaka ibaji immigration ozüng kübok asütsüla. Linük security atema iba ozüng nung aliba telatetbatemji tongtimbang," ta metetdaksü.

"Rongsenkettzüng tsütsü India indar, anungji bendanger raliwalirtem aika arudaktsütsü atema sorkari facilities agütsütsü. Ajisüaka linük security atema inyaksüji sorkar atema tongtimbang teinyaktsü mapa lir," ta paisa metetdaksü.

Iba Bill tasenba kübok shisaliok aser medical rejutem aser nija ki kiburtemi pei kiojen nung bendangertem amongba osangji ketdangsertem nem metetdaksütsüsa akümtsü.

Iba Bill ajanga tang aliba ozüng pezü melentsü. Ozüng pezüji Passport (Entry into India) Act, 1920, Registration of Foreigners Act, 1939, Foreigners Act, 1946 aser Immigration (Carriers' Liability) Act, 2000 lir.

Iba bill ya agizüka ozüng akümba sülenbo India-i arur mesüra India nungi aoertem passport mesüra tanga travel documents, bendanger dak sendakba onük balala aser visa dak sendakba maparen ajak asoshi sorkar nem tashi agütsütsü.

भारत सरकार
उत्तर-पूर्वी क्षेत्र विकास मंत्रालय
उत्तर-पूर्वी परिषद् सचिवालय
नाग्रिम हिल्स, शिलांग

GOVERNMENT OF INDIA
MINISTRY OF DEVELOPMENT OF NER
NORTH EASTERN COUNCIL SECRETARIAT
NONGRIM HILLS, SHILLONG -793003.
Website: <https://necouncil.gov.in>
Date : 4th March, 2025

No. ADMN-12012(14)/1/2022-ADMN

North Eastern Council Secretariat, Shillong nung Staff Car Driver (ordinary Grade) inyaksü atema temsüa alirtem nungi direct shimtsü atema application meshir :

1	Name of the post	:	Staff Car Driver (Ordinary Grade)
2	Number of post	:	01 (One)
3	Scale of Pay	:	Level 2 (Rs. 19900 – 63200/-) of 7 th CPC Pay Matrix.
4	Category	:	01 (one) SC
5	Minimum Qualifications and other Qualifications required for direct recruits.	:	Essential (i) Possession of valid Driving Licence for Motor Car. (ii) Knowledge of Motor Car mechanism (iii) 5 years experience in driving Motor Car. (iv) Must be able to read and write English numerals and figures. Desirable (i) Class VI standard (Pass) or above.
6	Age	:	Between 18-25 years (Relaxable for Government servants upto the age of forty years in case of general candidates and upto forty five years in case of candidates belonging to the Scheduled Castes or Scheduled Tribes in accordance with instructions or orders issued by the Central Government from time to time). Relaxation of age-limit shall be applicable to various categories as per rules as applicable for direct recruitment under the Central Government.
7	Place of work (Name of the town/village) in which it is situated	:	Shillong. However, liable to be transferred anywhere in India.
8	Nature of vacancy	:	Permanent

AJAKATEMATEMETETTSÜTEM:

1. Application agizüksüba testisaba anogo : 03.05.2025.

2. Tasoba küm asazüksüba anogo : 03.05.2025.

3. Iba mapa nung shimertemji Contributory Pension Scheme tasenba nung tenzüksüba anogo 01.01.2004.

4. Tatidang agütsüi aruba atema TA/DA magütsütsü.

5. Iba mapa atema apply masüdag , nisung ajaki pei temsüa aliba jenjang metetmatsüla. Application agütsü dang candidate shia educational aser tanga qualifications ajak nung temsüa aliba jangjatsüla aser pei meyong application den peisasa attest asüba certificates, Scheduled Caste certificate aser tanga nüngdakba documents ajak enoker agütsütsüla .

6. Application-ji English/Hindi nung zülutsüla aser 03.05.2025 anogo tashi nungbo peisasa attest asüba educational certificates/experience certificates, Scheduled Caste Certificate, etc copies ajak dena enoker Director (Admn), North Eastern Council Secretariat, Nongrim Hills, Shiltong-793003, Meghalaya atongtsüla. Application junga merenemi agütsüba aser presribed proforma nung masübatem magizüksü aser tatidang agütsütsü aser shimtsü atema tongtepratep mesütettsü.

7. Tezuluba nung agitsüba tatidang aser Driving Test agitsüba anogo Office-i latettsü aser tajaba shiti balaka yoktsü. Ajisüaka, application agüja alirtemi shim asü meshimar metetpelanüra Section Officer (Admn.), NEC Secretariat, Shillong (**Phone No. 0364-2522661**) den tongtepratep sütettsü. Ano, shimtetba tenüngtembo NEC website (<https://necouncil.gov.in>) nung mapang tadong nung enoktsütsü.

8. Application tema nung '**Application for the post of Staff Car Driver (Ordinary Grade)** (एल.एस. गॉंगटे)/(L.S. Gangte)

CBC 11104/11/0007/2425निदेशक (प्रशासन) /Director (Admn.)



March 12, 2025 nü New Delhi nung Lok Sabha Speaker, Om Birla aser Madagascar National Assembly Tir, Justin Tokely na senden amentsü lia tangokba noksa nung angur.

Sorkari Jammu & Kashmir nung UAPA kübok telok ana anentsür

New Delhi, March 12 (Agencies): Centre sorkari Jammu & Kashmir union territory nung telok ana- Awami Action Committee (AAC) aser Jammu and Kashmir Ittihadul Muslimeen (JKIM) na küm 5 atema anentsüogo.

Ministry of home affairs (MHA)-i, Unlawful Activities (Prevention) Act, 1967 kübok telok anaji ozüng alema inyakba associations lir, ta sangdong.

Sorkari ashiba agi, Umar Farooq leniba nung AAC-i kiralongra inyaksangshi ajungkettsür aser Union Territory nung telok razüka aotsü ajungshitsü atema India anema jembir; iba teloki India nunger telongjem, nüchiso aser security raksatsütsüsa inyaker, ta metetdaksü.

Sorkarisa, ozüng alema inyaksangshitsü atema AAC-i senotsü bendener, separatists pusemer aser linük temzüng akhüm-metsübur, ta metetdaksü.

Tashishitsü o jembiba aser telungpur telok balala pusemba

atema AAC züngsem aika anema ken o benoka lir, ta MHA-i metetdaksü.

National Investigation Agency (NIA) aser state police-ia Indian Penal Code aser Unlawful Activities (Prevention) Act kübok AAC anema ken o aika benoka lir.

Centre sorkarisa Masroor Abbas Ansari-i aniba JKIM teloka anentsür. Iba telok nung züngsemtemi kiralongra dak sendakba inyaksangshi pusemer aser Jammu & Kashmir balaka razüka aotsü atema India anema jembir, ta sorkari metetdaksü.

J&K nung seperatists aser kiralongrartem yaritsü atema JKIM aser züngsemtemi senotsü bendener, ta MHA-isa metetdaksü.

MHA-i, India anema raratsü atema JKIM-i nüburtem ajungshir aser sorkar anema tesempa proker, ta metetdaksü.

Unlawful Activities (Prevention) Act, 1967 kübok Section 3(1) nung ajemdaker sorkari telok anaprongla ya küm 5 atema anentsüogo.



TIR YIMYIM YIMOBILEM (EDITORIAL)

DIMAPUR THURSDAY, MARCH (METSÜREMI) 13, 2025

Kechiba asenok okra ?

Joko memenui Assam nungertemi asenok okra purtem alilen arakzüka ajak anüng nungi reprangtsüsa 'Satellite' ka dang masü pezü-pungoka anünglen yur senzüdaktsütsü. Iba osang ya tan Assam tatar senden nung taküm küm tasenba atema senotsü sentong benoka jembidang chief minister Himanta Biswa Sramai metetdaktsüogo. Asenok Nagaland assembly nung kümsülosü tenemtsüng lenmang tatsüka mepipoktetba indang anogomung jembir, aser ano Nagaland nung lokti tentet aika asüba indangang kanga shisabolua jembir senshi. Ano, jembidi asünungbo Nagaland nung district aser faction kanga junga züina aoba indang jembila. Iba denji mapang ali nungbo 'Mini' hornbill festival indanga jembitsüsa kümla. Itemji kodang medemdangdir, asenok Nagaland tenemtsüng lenmang ya Guwahati nung manger sangwa nung azük apu, flyover, ka yangluba jenjang shia masütsü. Aji oda, asenok local yi jema hornbill monga kazüdang, tangarbo joko anünglen nungi asenok senzusenpongba dena reprangtsüsa satellite kaketa yokdi asür. Atangji, Assam Satellite jagi asenok reprangtsüba masü saka Assam nung tzü metsüngba jenjang aser ozüng raksaba mapatem inyakba mita reprngtsü asoshi lir. Ano, iba Satellite nung jagi Assam arrtsü adena ozüng alema shibelenertem reprangtsü aser arem tawatema mittsü. Ajisüaka, Assam arrtsülen senzusenpongba mitdangji Nagaland arttsü adena aita parnokji reprangtsü, isdangjibo asenokji parnok teka nung amer mesüshidaksütsüsa akümtsü. Iba Satellite ka jenjang ya sen crore 70 shi asütsü, anungji Satellite pungo kaketsü renemba nungji sen crore 350 shi endoktsü. Iba sentong asoshi Assam government-i Indian National Space Promotion and Authorisation Center aser Indian Space Research Organisation (ISRO) den shisalemsatetp tenzükogo. Ano, tawa Assam nung company tulutem jaoka parnok sen amshia Assam nung mapa inyakdaktsütsü asoshi Assam Advantage ta ser sentong ka ayongzüka agiba asenoki nguogo. Iba sentong ajanga India nung takartem Ambani, Adani aser Tata teloktemi anir telok balalai pei pei inyakba business mapatem nung sen crore lakh aika endoka inyaktsü asoshi Assam government den tenangzüktepba ken o yanglubatemji yakta mapa kuma inyaktsü. Iba jagi Assam alilen terenlok mapa ajir majijem inyaka aotsü aser anünglen Assam Satellite agi mita reprangtsü ta asenokbo benjong amongtsüa parnok tsüngdangbo taaktsüka akümtsü. Aji oda, Naga nungertemi ibai job card tiyazü amshia senotsü alemba putu masü saka yimten yimsüsürtemi alima tesem balala nungi takartem jaoka shitakba job adokdaktsüba putua ta angatetlasang, job card tiyazü ajanga aruba sen agi asenok tokolok shisatsü yamai ilaa mekümdaktsüla. Aji oda, Naga nungertemi ibai contract mapa ajak nung commission agiba putu masü saka anünglen nungi dena mapa shitak inyakdar asü meinyaker ta mita reprangba putua ta angatetlasang, government mapatem nung sübokrem, commission, meshitsü akseta bilemla. Aji oda, asenokbo anogo shia asen meyong lokti tentettem den o langtepa arütepba agi, lenmang majungba indang jembiba agi aser kaketrejutem nung tesayurtem shitak meyoktetba tebilemstütem jembiba agi anünglak tonga tua jembir, saka tangarbo Space Reseach Organisation-tem den o agi masü saka Satellite agi anünglak atongtsü indang jembir. Aji dangbo masü, asen dang okra ajartem yimitemji reprangdangra alilen lenmangang tajungba aser azüklen apu lenmangang tajungba ta anogo shia renloker. Item denji külem külemi tangar shisa aneti par kaketreju bushia arur aser taneptsü asoshia par mozü kitemsa tajungba. Ya koda asütsü ? Asenokbo yimkong atema kaketreju aser mozü kitem yanglutsütsü melen, item sen jagi asen kija agitsü farm, bara ki, shopping compex aser resort-temang yanglua amongtsü na ? Joko,asenoka asen akaba agi tenük asüngtsüla aser nübortem asoshi anünglen Satellite-sa meyokyonga alilen danga auyi mapongtsüsa aser benjong lima süra, nübortem pei sen agi benjong mongtettsüsa nübortem kija kibong shia rongsen jenjang yangtsütsüla. Yamajika mesütetra, manganüyonga, asenok ya okrafo okrasa asütsü.

OLEMSABANG

AROGO ASER YIMDEN: TEPILA ASER TESENDAKTEP

~ Wati Longchar (Eralibill)

Arogo aser Yimden nung tenzükerti "Yimden" masü

Arogoi ochi ola adoktsüla; ochi ola madokra ochimashi inyakba den sakü. Kasaji yimdena lir. Arogo aser yimden mendenji temeshi aser ochi agi yimsü sudaktsü nung dang ochimashi anema kuli sutet aser tartsüba o, tajungshi o shitet. Yimden aser arogo anapronglaji nuburtem terenlok aser yimjung atema alir. Yimdeni temzüng/ozüng yanglua nubur yimjung nung lidaktsütsü azüoka ayur. Arogoi Tsüngrem O sayua meimchir ka tekümtet asoshi sayur. Teinyaker tashi maitdangashi, yimden anapronglaji temeshi aser ochi agi yimsü asütsüba menden ta angatetdi. Shirnok arogo nung inyaker parnokji yimden masü, saka yimden kilir ka dang, kasaji yimden nunga teinyakerji yimden masü. Parnokji ajakji mapang tatsüka atema iba menden achaayanger/kilir dang. Anungji yimden anaprong nung tenzükertemji lokti mulunga lemtetba tzüzüng-ozüng jagi alentsüla. No one is above law. Saka yimden menden ana tsüngda arla tejangja yur akhum tsübua maparen ajak bener aotsüla.

Alima otsü nung yimden ana mangatetep

Europe nung, küm 500 tejaklen, arogo nung Temelenshi (Reformation), Luther, Calvin aser Zwingli nungeri anir tenzük. Iba mapang alinük aika chuba yimsüsüba kübok liasü. Naga nunger tetsü-tebou putu, yimden aser tamangba yimsü tepila tejangja makai aruba ama, Europe nunga tamangba yimsü aser yimden tepila jangaa mali asü; mapang mapang arogo o yimden na tsüngda mepelatep adok aser tashi raktep aser toktep. Pope aser putirtemi alima yimden bangtak madak tashi amshitsü merang aser alima yimsüsüria tamang yimsüi tuyuba ama meinyak. Aiben arogo tenzükerti aser yimden tenzükerti som sür ochimashi mapa inyak. Arogoi yimden yanglushiba nung shilem agitsü melena, arogo nung tenzükertemia ochimashi mapa jendi inyak. Anungji Teyanglushi leniri arogo o yimden na tepila ayutsü tim ta sayu and noktak.

Iba den nüburtem shirnok aluyimba dak metaloker liasü, parnokji ali kiburi arakmoker alar jenjang aru. 16th aser 17th centuries nung Industrial Revolution adokba ajanga rongsenketzüng balala nung renloka aküm. Aluyimba dang masü, ali telung nungi rongsen bushiteta (mining), ango metsüba, shiruru metsüba, printing press a.a. mapa balala aika inyakteta sen agi shishilembateptsüsa aküm aser sen rizüngba yayim (banking system) tenzüka aoba ajanga arogo aser lokti taküm nung temelenshi tulu bener arutsü. Takar ishika ket nung dang rongsen jenti rizünga ayutsüsa aküm aser takartem lokti taküm nung kanga dang tashi ita aküm, aser parnokji yimden aser rongsen lemanng ajak azüoka ayutsüsa aküm. Aluyimer aser mapa tila-teri inyaker aika timtem toudhi ajuru. Sensaker aika taya agi asü. Ashi-auür, rakzükrakter, tepseter, yi lar, nüktapangtar, tetsür tashiyim agi raksatsür aser chiyungtsü shitak mesüi yanglur (adulterated) aser tayoker, aser chiyungtsü tamajung achi-ajemba ajanga temang nung tashitak jenti adoktsüba liasü. Yamaji alima teraksa aika liakasa, arogoi ainkar ola madoktet, kechiaser arogoa iba teraksa aser ochimashi nungji dena liasü. Anungji arogo aser yimden tepila ayutsübaji Lai tesayuba aser yamaji lateta ayu nung dang arogoi ainkar ola adoktet. Yongji Teyanglushi putu nungi tenzüka, Protestant teloki, talisa Baptist tamangertemi arogo aser yimden na tesendaktep aser tepila latet lateta tanü tashi yua arur.

(Maneni asüng adok nung...)

Iba Olemsabang nung lemsaba ken-o aser shisatsü ya iba ocet züluri bilemba ken-o ama tazünger angateta agitsü mepishir

Franklin Graham sentong nung Ethiopia nunger 437,000 aden



March 12, 2025: March 8-9 anogotem nung Ethiopia yimtiba, Addis Ababa nung sayutsingir, Franklin Graham-i ayongzükba sentong nung Ethiopia nunger 400,000 dak tali aden.

Anogo ananü moapu nung agiba sentong ya Arogo 1,600-i yaritepa ayongzük.

Lokti den jembidang Franklin Graham-i, "Tsüngremi na yanglu aser Tsüngremi na meimer. Pai na aser kü menen bener ao. Nenoki tamang agi Khrista agizükra Tsüngremi nü dang tai atoktsü," ta metetdaksü.

Honibarnü Addis Ababa nung aliba Meskel Square nung ayongzükba sentong nungji nisung 117,000 shi aden aser Amongnü sentong nungji nisung 320,000 aden.

Item sentong nung

osangtajung kentenertem-a aikati shilem agia liasü.

Anogo ananü senong omenji "Encountering God Ethiopia" liasü. Franklin Graham tebu aser nüngtugu sayutsingir, asür Billy Graham-i iba yimti nung sayutsingiba sülen küm 65 ajungba nüngtem nung item sentong ayongzükba agi.

Franklin Graham-i, "Tsüngremi Ethiopia kanga meim, Ethiopia kümzüksü atema Pai Pa jabaso kodak nungi yok. Taonung nai temenen nungi meyipra aser Tsüngrem chir Yisu Khrista tenüng nung amangra Pai na kümzüksü," ta ashi.

Item sentong ana nung Ethiopia nunger meyrjang aikati Khrista nem taküm bendanga agütsü. Maneni local Arogotemi

Khrista nüsüng tasenpurtemji anepalua tanela chiyungtsü agi mesütsü.

Ethiopian Council of Gospel Believers Churches nung General Secretary, Dereje Jemberu-i, "Ni kü tepela rasa-a meshiteter. Osangtajung sayutsingiba nisung aikati agizüketba ngua kü tenük nungi tepela nüktzü ayim. Onoki yamai aginüa liasü. Iba ama mapang ka atema onoki küm aika sarasadema aruogo," ta metetdaksü.

Jemberu-isa, "Tsüngremi Ethiopia nung mapa inyakba aser tan hopta tatembanglen Pai mapa tulu inyakba atema Pa dang pelar. Iba ya ajanga Yisu Khrista osangtajung maneni proktsü aser longjemmer inyaktsü asoshi evangelical Arogotem ajungmesor," ta metetdaksü.

14buba Congress of Christian Leaders sentong nung nisung 3000 aden



14buba Congress of Christian Leaders (Kongress Christlicher Führungskräfte/KCF) nung Values Award 2025 angusang, Georg Jahn (tiyong) den tangartem tangokba noksa nung angur.

March 12, 2025: Taoba hopta tatembanglen Germany nung 14buba Congress of Christian Leaders (Kongress Christlicher Führungskräfte/KCF) senden kaogo.

"Leading courageously. Shaping the future" omen nung ajemdaker agiba sentong nung Germany aser bendang linük balala nungi nisung 3,000 shi aden.

Evangelical news agency-IDEA-i ayongzükba sentong nungji, tayongzükba balala ajangshiba mapang nung Khristan lenirtem arangshitsü atema o lemtepa liasü.

Iba sentong ya March 6 nungi March 8 tashi Karlsruhe nung aliba Dm-Arena nung agi.

KCF25 nungsa Khristan lenirtem lenisüba, tamang aser wadang nung tayongzükba balala ajangshiba onüktem nung

o lemtep.

Business, yimtenren, science aser loktiliba dak sendakba nung o lemtepba sentong agi aser item sentong nung mongin 60-i shisa lemsatepa liasü.

Kasa sentong nungsa arrshi küm 35 ser tekübokpurtem networking atema jemb. Shilem agirtem nem sarasademtsü, pastoral care aser coaching atema maongka agüja liasü.

IDEA chairman, Helmut Matthies-i, küm 25 tejaklen iba Congress tenzüka liasü, aser iba mapang nungjibo experience kecha maliasü, office mesüra sen maliasü, ajisüaka 1999 küm mezüng sentong nung nisung 1,000 aden, ta metetdaksü.

"Swabian nunger entrepreneur ana: Karl Schock aser Jörg Knoblauch nati tama apiteta liasü. 1997 küm tenati Wetzlar nung aliba Evangelical

News Agency IDEA headquarters nung ni ajurua liasü. Secular jenjang tajungba akümba mapang ka nung kasa khuret alir Khristantem longjemtsüla aser kati ka maparen aser tanela naprongla nung ajungshitepa inyaktsüla, ta tenati kü den lemsatepa liasü," ta Matthies-i metetdaksü.

"Iba mapang nungji IDEA nung tekolak ka ama tenati lemsatepbaji ajanga ni puadok. Onok indang board-ia melunga liasü aser onok chairman, Horst Marquardt-i ketdangsüa iba maparen tenzüka," ta Matthies-i metetdaksü.

14buba Congress nung Thuringia nungi Entrepreneur, Georg Jahn nem "Values Award 2025" agütsü.

Taruba KCF ji 2027 küm June 10 nungi June 12 tashi Leipzig, Germany nung agitsü.

ANOGO ABEN TSÜNGREM DEN

Sarasadem nung temulung alemba

Ni timtemba anogo nung ni Ne dang ajatsü; kechiyong Nai ku dang langzütsü. T. Ken 86: 7.

"Tsüngremi ku dang langzütsü ". Asenoki temulung alemtsü asü? Au- Tsüngremi asenok dang langzütsü nangzuk. "Meshiang aser nenok nem aji agutsütsü", ta Yisui ashi (Mathi 7: 7). Nungdak dang süra sarasadem ajanga tenema ajungtoktsü ta Pai nangzük. Item ajakji Pa dak amangba nüngdaker.

Au, tamang! Aseni kwiben temulungjang tesadang agi ratamataa sarasademer ibaji Tsüngremi langzütsü asü? Nütsüngtem tamang nung tashi maitba atema Yisui kwiben artsü! Aser Pai sayatenya mapa inyakdang tamang akatsü indang lokti nung jemb! Bendanga agüja sarasademba aser tamang külemi aor. Asen dak tajung kecha makai dang tanela temoatsütem asoshi sarasademer - tamang, tekümtet, aser Tanela Temeshi asoshi, kechiaser aji Tsüngrem mapa ta asenoki metet. Ali rongsen asoshiTsüngremer mulungba memeteti dang asenoki sarasademer. Anungji Pai asenok asoshi aser aseni meimbatem asoshi tajungtiba inyaktsü ta amanga bendanga aguja sarasademer. Par Chir ka dang aliba agutsüba agi Pa temeim indang kuli asür. "Kibuba, .kü tamang nung tashi itjang" ta sarasademra tesüngmangtsü mapatem inyaktsü. "Nai amangba nai meshiba ajak angutsü" (Mathi 21: 22).

UP nung pastor Jose Pappachen aser pa kinüngtsü na chiokogo



Pastor Jose Pappachen aser pa kinüngtsü Sheeja Pappachen.

March 12, 2025: Uttar Pradesh state nung Pastor Jose Pappachen aser pa kinüngtsü Sheeja Pappachen nati kangshia tangartem Khristan yimsü dangi meyipdaksür, ta tena nem tai tongloktsüba sülen tena küm pongu tepuokdak ayutsü obendang agüja liasü, ajisüaka tawa tenaprongla bail nung chiokogo.

January 22 nü Ambedkar Nagar nung Sessions court kati arrshi küm 58, Pastor Jose Pappachen aser pa kinüngtsü Sheeja Pappachen (57) na jail nung küm pongu puoktsü obendang agüja liasü aser tena dang senchi 50,000 achi.

Ajisüaka February 6 nü Allahabad High Court Lucknow bench-i pastor nem bail agütsü aser February 5 nü pa kinüngtsü nem bail agüja liasü.

2023 küm January ita nung Uttar Pradesh Prohibition of Unlawful Conversion of Religion Act, 2021 aser Scheduled Castes and Scheduled Tribes (Prevention of Atrocities) Act na nung ajemdaker police-i tena pua liasü. Kasa küm October 8 nü

court-i SC/ST Act nung ajemdaker benokba ken ojibo FIR nungi agientsü tuyu.

Police report ajanga ashiba agi, pastor o kinüngtsü nati hopta shia tetsür ka tenüng agi Vifla'er kidang kiyongertem ayongdener Bible study sa agia liasü.

Pastor Pappachen ya Kerala nungi lir. Pa aser pa kinüngtsü nati küm 10 tashi Bihar nung Tsüngrem tenzüka wadang inyakba sülen Uttar Pradesh nungi pastor kati mepishiba nung ajemdaker 2022 küm tena Shahpur Firojpur-i oa liasü.

Jail nung aliba mapang nung pastor-i timtem aika ajangshia liasü; tesüsa pai lumia sarasademtsü aser anogo nung khen dang chiyungtsü telemteba agi. "Kibubai kü dak aliba metokmeperi aika kü nem metetdaksü. Ni tatok meshi aser anogo 30 lumiba sülen tesüsa 2023 küm September ita nung bail angu," ta pai metetdaksü.

2024 küm January 22 nüa court-i pastor o kinüngtsü na aitsü aser tanaben jail nung puoka liasü. Tesüsa taoba ita tenaprong bail nung chiokogo.

AO OSHI ANGAZÜKDAK:**TANÜ ANGAZÜKTSÜBA OJANG****Telang**

(n) temang nung scü aoba lenmang (anus, bottom)

* Scü kozür tzü agi telang jungjunga shitoktsüla.

Telangzü

(v) tasüngdangba o meyipa tagütsü ta ashiba (don't respond/ don't reply)

* Medemertemi o tamajung ashiyonga telangzü ta kütsüi ashi.



Tir Yimyim

OLONG PAITEP # 7089

1		2		3		4	5			
				6						7
		8								
9				10		11				
			12					13		
						14				
16						17				

TIPIEN

- Nisung jenti
- Tsük rudenba
- Temzüng tesashi
- S_ _ _ i
- Nisung rongnung telemasa
- Anogoshi
- Ajanga aor
- Tsük rizüngdak
- Tebang nungi adokba
- Süngdong tatembangtiba
- Meputep

LANGTSÜNGLEN

- Tenük telong
- Committee dang ajar
- Yagi ki okdoker
- Yim lenmang
- Temoatsü keter meyipa aruba
- Kanga junga menemba
- Kenyongi majinü
- Rong kanga tulu

OLONG PAITEP # 7088 TELANGZÜBA**TIPIEN :**

- Tanga, 6. Wara, 7. Rajang,
- Anük, 10. Jenjang, 11. Alar,
- Ngashi, 15. Nala, 16. Mechi.

LANGTSÜNGLEN :

- Anga, 3. Yabang, 4. Tarok,
- Orak, 8. Ainer, 9. Anema,
- Jabili, 11. Among, 12. Miim,
- Anem.

NAI-A YA METETTER MA

March 10, 2025 nü L'Oréal Paris ajanga Mumbai nung Guinness World Record ka yangluogo. L'Oréal Paris-i Free The Hair campaign atema sentong ka agidang 'Most People Untying Their Hair Simultaneously' otsü yanglu aser iba sentong nung tetsür 500 temai shilem agia liasü.

Manipur nung power auyaa agiba atema nisung 300 tema apu

Imphal, March 12, 2025 (Agencies): Manipur nung power tebilemtsü koktettsü atema Manipur State Power Distribution Company Limited (MSPDCL) ketdangsr aser staff-i power auyaa agirtem anema mapa inyaker.

February ita tetenzüklen nungi tang tashi nung parnoki state kübok tesem balala nung power auyaa agir nisung 300 tema puogo.

Iba mapang MSPDCL

ketdangsürtemi "Low Tension consumers" 100 tema indang electricity connection agienogo. Parnoki bill magütsüba atema iba mapa inyak.

"State nung power tebilemtsü ya energy sources peria maliba aser revenue ajema anguba ajanga lir" ta Manipur government power commissioner Dr. Sailesh Kumar Chourasia-i ashi.

Manipur nung January nungi March tashi power timtem ajurur ta pai ashi.

Consumer temi bill magütsüba aser tim mesüi electricity amshiba ajanga senotsü shitak mangur. Iba ajanga department-i tanga northeastern state power grids nungi power alia magiteter, ta Dr. Sailesh-isa ashi.

Ketdangsürtemi Electricity Act, 2003 nung section 135 kübok "theft of electricity" atema nisungtem aputsü tashi agüja lir. Aibelenertem ya küm 3 tashi tepuokdak ayutsü mesüra senchi achitsü akok.

CM Sarma'er sorkari advertisements nung Rs 370 crore endok

Guwahati, March 12, 2025 (Agencies): Assam Chief Minister Himanta Biswa Sarma'er sorkari tesüiba küm 4 tsünga advertisements nung Rs 370 crore tema endokogo.

Iba osang ya Information and Public Relations Minister Pijush Hazarika-i assembly nung metetdakja liasü.

Assam nung taoba CM Sarbananda Sonowal-i 2016 nungi 2021 tashi sorkar ketdangsüadang advertisements nung Rs 125.6 crore endok ta Hazarika-i ashi.

"Assam nung BJP sorkari 2021-22 nungi tenzüker küm pezü

tsünga print, electronic aser outdoor media nung Rs 372.33 crore endok" ta Minister Hazarika-i Congress MLA Abdul Batin Khandakar nem telangzüba agütsü.

May 2021 nung BJP-i aniba sorkar kümsük tanabuba nung Sarma-i chief minister inyaksü tenzüka liasü.

Sonowal'er sorkari 2020-21 nung Rs 30.24 crore endoka liasü aser taruba küm Sarma-i CM akümba sülen Rs 72.83 crore endok.

Iba sülen CM Sarma'er sorkari 2022-23 nung Rs 78.85 crore aser 2023-24 nung Rs 160.92 crore endoka liasü ta

Minister Hazarika-i assembly nung metetdaksü.

Ajisüaka, 2024-25 atema sorkari advertisements tapu balala nung Rs 59.72 crore endoka lir ta pasia ashi.

Taoba chief minister Tarun Gogoi'er sorkar mapang 2015-16 nung advertisements nung Rs 18.58 crore endok aser iba sülen Sonowal-i melenzüker ta Independent MLA Akhil Gogoi-i asüngdangba ka langzüadang Hazarika-isa ashi.

Sonowal-i CM inyaksü tenzüka sülen advertisement nung Rs 26.88 crore endok ta paisa ashi.

Congress-i lungkak aitha ajanga Mizoram Assembly road shibang

Aizawl, March 12, 2025 (Agencies): Mizoram Chief Minister Lalduhoma-i Congress MLA C. Ngunlianchunga anema ashishitep ken o jembiba atema Congress party-i lungkak aittsü renema agi Bodbarnü Mizoram Assembly House road shibanga liasü.

Tawa Assembly session nung CM Lalduhoma-i Congress lennir tejen Ngunlianchunga mezüngmeshia jembiba ta shia Congress-i lungkak ait.

"March 10 nü CM Lalduhoma-i ozü Congress lenir tejen aser MLA C. Ngunlianchunga dang anticipatory bill atema agütsütsü ashi. Iba dak alia ano sorkar mapa inyakertem mezüngmeshi. Asen Chief Minister-i yamai tashi tim mesüi amshitsü süra asen state tarutsü majungtsü" ta Aizawl District Congress Committee (ADCC) President Lalhmingthanga Pachuau-i ashi. Chief Minister-i yimjak nung

tatok meshitsüla aser pai jembiba ya MLA anema dang masü saka democratic tangatetba anema lir ta Congress party-i takhangba agütsür.

Tanü Assembly telongtet nung security akangshia liasü aser Mizoram Legislative Assembly-i aoba lenmangtem noktanga ayu.

Iba onük atema sorkar nungi osang kecha mali aser külen opposition lennirtemi Chief Minister-i o meyipa magi tashi lungkak aittsü nangzüokogo.

**GOVERNMENT OF NAGALAND
DIRECTORATE OF HEALTH AND FAMILY WELFARE
NAGALAND : KOHIMA**

NO.DHFW-13/DC/Recruitment - Lab/ 2024-25/9141

Dated Kohima the 12th March 2025

NOTICE

Pursuant to the recommendation of the Direct Recruitment Board, the following candidates are hereby declared selected in the respective relevant posts on the basis of merit, for contractual engagement under Nagaland State Drugs Testing Laboratory (NSDTL) Kohima vide advertisement No. NO.DHFW-13/DC/Recruitment - Lab/ 2024-25/ Dated Kohima the 22nd January 2025.

1. Selected candidates :

Roll.No	Name	Name of post
01	LANURENLA LEMTUR	Analyst
29	SENTIMONGLA N JAMIR	Analyst
25	SEYIEKIENUEO CECILIA	Analyst
24	SUNGJEMRENLA I JAMIR	Analyst

Waiting list :-

Roll.No	Name	Name of post
23	LOTHUNGBENI OVUNG	Analyst
09	JANBENI T SHITIRIAnalyst	

2. Selected candidates:-

Roll.No	Name	Name of post
23	THUNGRHONI M PATTON	Laboratory Assistant
02	SUNEPLILA OZUKUM	Laboratory Assistant

Waiting list :-

Roll.No	Name	Name of post
01	MERIYANI EZUNG	Laboratory Assistant
25	YANPENI TSOPOE	Laboratory Assistant

3. Selected candidate:-

Roll.No	Name	Name of post
19	SUNGREMO N YANTHAN	Office Assistant

Waiting list :-

Roll.No	Name	Name of post
54	HAAN S THAI	Office Assistant
43	KHWUTOLU PURO	Office Assistant

4. Selected candidate:-

Roll.No	Name	Name of post
29	SANGPANGYALA CHANGKIRI	Data Entry Operator

Waiting list :-

Roll.No	Name	Name of post
64	KEKHRUPI NEIKHA	Data Entry Operator
32	MOAKUM KICHU	Data Entry Operator

The selected candidates are required to submit their acceptance letter to the Controlling & Licensing Authority office within 7 days from the date of issuance of this notice. Failure to comply may result in the cancellation of their selection and opportunity will be given to the candidate in waiting.

The waiting list will be effective for a period of 1 (one) year.

Sd/-

(DR.E.MOTSUTHUNG PATTON)

Principal Director

Directorate of Health and Family Welfare
Nagaland : Kohima.

NOTICE OF LOSS OF SHARES OF
HINDUSTANLEVER LIMITED
Regd. Off. Hindustan Unilever Limited.
Unilever House, B D Savant Marg, Chakala, Andheri (East)
Mumbai - 400 099

Notice is herby given that the following share certificates have been reported as lost / misplaced and the company intends to issue duplicate certificates in lieu thereof, in due course.
Any person who has a valid claim on the said shares should lodge such claim with the Company at its Registered Office within 15 days hereof.

Name of the holder	Folio No.	No. of shares (Rs.1/-f.v)	Certificate NO.(s)	Distinctive No. (s)
SUMER MAL JAIN - (DECEASED) BINOD KUMAR JAIN (CLAIMANT)	HLL5054716	504 SHARES	5529301	2402576331 TO 2402576834

Place: DIMAPUR (NAGALAND)
Date : 28/02/2025

ALI TAYOKTSÜ LIR

New Showuba Police Station sülen @ Rs. 280 Per Sqft.
Contact : 8131884162

Pakistan train hijack: Security force-i nisung 190 kümzükogo



Islamabad, Metsüremi/March 12 (Agencies): Pakistan nung security forces temi train passenger 190 kümzükogo, shirnok Balochistan province nung telungpurtemi pur oa liasü, ta AFP sangdong ka ajanga metetdaksü.

Telungpurtemi pur aoertem kümzüktsü atema anogo anabuba inyaktepdar, ajisüaka telungpurtem rongnung pei temang nung bomb alenoker alirtem densema aliba ajanga kanga küm danga inyaksangshitsüsa akümer.

"Pei temang nung bomb alenoker alirtem den tetsür aser tanurtem densema aliba ajanga kanga küm danga inyaksangshidar," ta sources-i AFP dang ashiba den telungpur 30 tepsetogo, ta shisem.

Train ya Baloch Liberation Army (BLA)-i Mongolbarnü Bolan district nung tunnel kati aiba mapang hijack süa liasü.

Iba telok yagi pei temang nung bomb alenoka alirtem anir train nung mena alirtem longbang aser item passenger tem melena tepuokdak yua aliba telungpurtem chioktsü takhangba agüja liasü. Ajisüaka sorkar

ketdangsürtemi parnok takhangba atema telangzüba magütsü, kechiyong telungpurtem takhangba magütsütsü asoshi sorkar policy ka lir.

Pakistan security forces aser telungpurtem tsüngda kanga sashia khatepdar aser osang agütsüba mapang tashi nung telungpur 30 tepseter liasü. Sepiatem nem teyari agütsütsü atema Helicopter dena yokogo. Passenger 450 shi aliba nungi 190 dak tema kümzükogo, ta ketdangsürtemi metetdaksü.

Iba telok yagi taoba mapang security forces aser infrastructure amakba dang masü saka China-Pakistan Economic Corridor (CPEC) dak sendaka aliba China nung densema civilian tem maka aruogo, ajisüaka tang mezüngbuba train ka hijake süogo.

Telungpurtemi lenmang poksatsüba mapang engine aser coach teku raksatsüba sülen train marakzüi aküm, ta security ketdangsürtemi ashi. Lendong nung train anisang kanga mejungi yiru aser train nung aliba security guards tem maka liasü.

US-i Ukraine nem security teyari maneni agütsütsü

Jeddah, Metsüremi/March 12 (Agencies): Russia den anogo 30 ceasefire alitsü atema Washington-i benokba agizüktsü renema lir ta Kyiv-i ashiba sülen Mongulbarnü United States-i Ukraine nem military aid aser itdangiter teyari maneni agütsütsü mulungogo, ta linük ana yagi sangdong ka nung ashi.

Jeddah, Saudi Arabia nung Ukraine ketdangsürtem den ghonda ti dak tema senden mena jembishinüba sülen US Secretary of State Marco Rubio-i ashiba agi, US-i iba osang ya Russia dangi bener aotsü aser telemtetba agitsü Moscow dak keta lir.

"Russia-i akok tashi tekeratiba nung 'hai' ta langzütsü ozü teimla lir, aji asünung dang iba indang phase tanabuba tenzüktsü, koba asangsang jembishinü alitsü," ta Rubio-i osangbener dang US Tir Donald Trump athishia ashi.

Kremlin-i küm asem tejakdang tashi ajak amshia Ukraine amak tenzük, aser tang Russia kübok 2014 küm rakzükbä Crimea densema Ukraine indang litsü shilem pongu shi lir.

Washington-i Russia aser Ukraine den akok tashi tekeratiba nung 'full agreement' aginer, ta Rubio-i ashi.

"Anogo süyitemba ama iba rara manener, anatsülen nisung asür, nisung dak bomb pokloksür, nisungtem yirur," ta pai ashi.

US aser Ukraine tsüngta Saudi Arabia nung jembishinüba indang United States-i rasaa ashitsü nüngdaker, aser iba sülen ang Ukraine nung ceasefire alitsü ya Russia-i agizüktsü asü masüar jembitsü, ta Kremlin-i Bodhbarnü ashi.

Mongulbarnü Jeddah nung jembishinüba indang Rubio aser

White House National Security Adviser Mike Waltz nati rasaa ashitsü Moscow teimla lir, ta Kremlin odongtar Dmitry Peskov-i ashi.

Nüngdak dang adokra Tir Vladimir Putin aser Donald Trump tsüngta phone ajanga jembitsü, ta Peskov-i ashi.

Russia Tir Vladimir Putin-i yimjung tenzüngzüktep asoshi jembishinütsü mulunga lir ta shia lir, saka pa aser par diplomats temi ceasefire maginer aser Russia indang security wazüka ayutsü asoshi tezüngzüktep bushitsü ta ashir.

Putin-i January 20 nü par Security Council nung jembidang, sepaitem telong kumtetshitsü aser nok-nü bendentsü mechi mapang tatsüka atema rara anenba malitsüla, ta shia liasü.

Pai litsü-lika magütsütsü ta shiogo aser Ukraine ya Russia-i amokbanga aliba aser shilem kar amokbanga aliba Ukraine nunger region pezü nungi ainshitsüla, ta ashi.

Ukraine Tir Volodymyr Zelenskyy, shiba Saudi Arabia nung liasü saka jembishinü nung shilem magi, pai ceasefire ya proposal tajung ka lir aser yangji anünglen aser tzüym nung raraba kisüng masü saka frontline awajemtsüla, ta ashi.

Russia-i mulungba den külemi ceasefire tenzüktsü, ta Ukraine leniri ashi.

"Iba agreement mapa kuma tenzük dang, anogo 30 süngjemandang yimjung aser long-term security atema külem partners den mapa inyaktsü mapang angutsü," ta Zelenskyy-i ashi.

Rubio-i iba sentong ya Russia nunger nem channels balala ajanga agütsütsü ta ashi. Trump indang national security adviser Mike Waltz ya anogo ishika tsüngta Russia nunger

kasa ketdangsür den ajuruteptsü lir aser Trump indang special envoy Steve Witkoff ya Putin ajurutsü asoshi tan hopta Moscow semdangtsü sentong lir.

Mongulbarnü Trump-i tekeraba nung ceasefire alitsü imlar aser Putin den tan hopta jembitsü bilemtar ta ashi.

US aser Ukraine tsüngta iba tezüngzüktep ya February 28 nü White House nung Trump aser Zelenskyy tsüngta mangatettep adoka senden ka amenba sülen temelenshi tulu lir.

Mongulbarnü linük ana ketdangsürtem külemi sangdong agütsüba nung, Ukraine indang tongtipang ali rongsen terenlok asoshi akok tashi tekeratiba nung agreement ka yanglutsü mulungtepogo, ta ashi.

White House nung linük ana tir ajurutepba sülen Unites States-i Ukraine nem itdangiter lemsaba aser nok-nü agütsüba anenadok aser Moscow tsütsü tejak meyip.

Mongulbarnü Trump-i Zelenskyy ya ano White House-i jaoktsü ta ashi.

Mongulbar aonung Ukraine ketdangsür temia US mitkar teyari aser itdangiter lemsatepba tenzükogo ta ashi.

Zelenskyy den yariteper temi US ketdangsür den Ukraine indang security guarantees indanga jembä ta ashi. Security guarantees ya Kyib indang nükjidong tongtipang ka lir, aser European linük karibo iba guarantees nung shilem ka ama nüngdakra Ukraine dangi sepai yoktsü mulunga aliba lemsatepogo.

Yimjung maparen nung European partners adentsüla, ta Ukraine-i sangdong ka nung nenshia ashi. NATO Secretary General Mark Rutte ya Brehostobarnü White House-i aotsü.

Houthis teloki rong maneni amak tenzüktsü

Sanaa, Metsüremi/March 12 (Agencies): Yemen nung Houthis teloki Israel nunger rong tem maneni amaktsü ta sangdongogo. Gaza nem tenokdangba agütsür aliba agintsü atema Israel nem anogo pezü atakzüktsüba tembangba sülen iba osang ya sangdonga liasü.

Iba telok yagi Mongolbar aonung menor ashiba agi, parnoki Red Sea nung Israel nunger rongtem mesenzüdaksütsü atema maneni tenokdangba agütsütsü, kechiyong Houthis puri anogo atakzüktsüba Israel-i manga.

Iran den sendaktepa aliba Yemeni telok yagi ashiba agi, tenokdangba ya osang agütsüba mapang nung tenzüktsü. Israel nunger rong kari danga tenokdangba agütsür aliba sülen manidakra item rongtem amaktsü ta shiogo.

Tenokdangba ya Arabian

Sea, Bab al-Mandeb Strait, aser Gulf of Aden nunga agütsüogo, ta parnokisa metetdaksü.

Houthis telok, shirnoki Arabian Peninsula nung sensaktiba linük ya tuluba ka amokbanga lir, parnoki Israel-i Gaza amakba mapang alima nung mazüngtiba tzü lenmang nung Israel den sendaka aliba rongtem maka aruogo.

Iba ajanga alima shishilemba nung kongshi aser Asia aser Europe tsüngda rongtem senzüsenpong Suez Canal ajanga masü saka Africa meketa senzütsüsa aküm.

January ita Gaza nung ceasefire benokba sangdongba sülen iba telok yagi Israel den sendaka aliba rongtem drone aser missile amshia amakba anena liasü.

Ajisüaka Israel-i March 2 nü Gaza-i osettsüt balala bener aiba lenmangtem ajak

nokdanga ayuba sülen iba telok yagi tzüym nung rongtem maneni amaktsü amokmerena liasü.

Israel-i, Gaza-i teyari bener aotsü atema temelaba magütsü tashi rongtem maneni amaktsü, ta Houthis purisa metetdaksü.

2023 küm November ita nung Houthis puri Yemen tzüküm ajanga senzüba rong 100 dak tema makogo.

Parnoki rong ana tzüym telungi angemoka yok aser nisung pezü tepseta liasü. Parnokisa tzüym nung senzürtem aika pua liasü.

Iba inyakyim ajanga United States aser European Union mepeladaksüi parnoki Red Sea aser Gulf of Aden nung rongtem kümzüka toktsütsü atema navy rongtem yoka liasü. Kasa mapang nung US aser United Kingdom nati Yemen nung Houthi pur tamendakdak aika anüng ajanga maka liasü.

24buba KSU Sports Meet tenzükogo



Advisor, Social Welfare, Wangpang Konyak den DC Mon, Ajit Kumar Verma, ketdangsürtem aser asayartem Local Ground, Mon nung 24buba KSU Sports Meet lapokba sentong nung tangokba noksa nung angur.

Dimapur, Metsüremi/March 12 (TYO): 24buba Konyak Students' Union (KSU) Sports Meet den repsema 77buba Federal Assembly lapokba sentong nung Advisor, Social Welfare, Wangpang Konyak alakteta jaoker liasü.

Iba sentong ya March 11 nü Local Ground, Mon nung tenzükogo.

Sentong nung o jembiba mapang Advisor-i, iba amala sentong tajung ayongzükba atema KSU ketdangsürtemi nem tenüsang agütsü aser ashiba agi, iba amala sentong ajanga lanurtem saisapong aser literacy nung renloka aotsü.

Paisa, longjemer inyaksü kodang tongtibang iba indang lemsatepba den nüburttem dang lenirtem den longjemer inyaksü mepeshia liasü. Pai ashiba agi, education aser shisatsü ya tashi lir aser renemshiba ya tamendakdak lir.

Wangpang Konyak-isa, kaketshirtem dang kaket shisatsü nendak nendaka bushitsü aser competitive tatidangtem dak rangloker inyaksü ajungshia liasü.

Pai human resources indang jembiba aser lokti tentet balala dang tarutsü tajungba ka asoshi jenjang tapet agütsü ajungshia liasü.

Sentong nungsa Konyak Students' Union tir Temwang-i wako salatsü aser Sacred Heart School Choir-i KSU naklo ken tena liasü. Sentong nung KSU tir-i lokti pela agizükba o jembi aser Tobu Area Students' Union-i ken tajung ka tena liasü.

Maneni Games & Sports Secretary KSU, Chingkap-i achaayanga asayartem tenangzüktepba agia liasü.

Iba sentong ya Mon Area Students' Union-i ayongzükba 'Reawakening the present; Re-envisioning the future' omen nung ajemdaker agidar aser March 19 nü tembangtsü.

Gill nem ICC Player of the Month naroküm agütsü



Metsüremi/March 12, 2025 (Agencies): India nunger nüngtugu batter Shubman Gill nem February ita atema ICC Men's Player of the Month naroküm agütsüogo.

Gill-i February ita tepeyong ODI nung kanga junga asayaba sülen pai iba naroküm atema Australia nunger Steve Smith aser New Zealand nunger Glenn Phillips na ajateta liasü.

Shubman-i February ita ODI pongu nung run 406 yanglu aser pa indang average 101.50 aser strike rate 94.19

liasü. India-i England den ODI asaya 3-0 agi akokba nung Gill-i tongtibang shilem agia pai half-century asem atonga yanglua liasü.

Nagpur nung mezügbuba ODI asayaba mapang Gill-i run 87 yanglu aser iba sülen Cuttack nung run 60 yanglua liasü. Paisa Ahmedabad nung tasembuba ODI asayaba mapang ball 102 nung run 112 yanglua liasü. Iba asaya nung pai century yangluba ajanga team takok dangi aniba dang masü saka iba atema pa nem Player of the Match aser

Player of the Series naroküm agüja liasü.

Ita tepeyong kanga junga asayaba indang bilemtetshia jembiba mapang Gill-i fan tem aser pa teammate tem dang kanga pelaba lemsatepa liasü. "Team takok asoshi asayatetba ya jangrademtsüka aser iba atema tetushi anguba atema pelar," ta pai ashi.

Maneni Gill-i ICC Champions Trophy 2025 nunga kanga junga asayaogo. Dubai nung Bangladesh den mezügbuba ODI asayaba mapang pai out mesüi run 101 yanglu. Iba sülen pai Pakistan den asayaba mapanga run 46 yanglua liasü.

Gill-i Champions Trophy tepeyong kanga junga asayaba ajanga team-i iba asayamung akokba nung teyari tulu agüja liasü. Pai maneni kanga junga asayaba sülen pa rankings nung ODI batter tem rongnunga temaba jenjang nung lir.

Kasa mapang nung India team captain Rohit Sharma ICC ODI rankings nung jenjang ana tejakangi tua tang tasembuba nung lir. Champions Trophy final nung pai kanga junga asayaba sülen pa nem Player of the Match naroküm agüja liasü.

Tang agi tasembenbuba Shubman Gill-i ICC Men's Player of the Month naroküm agizükogo. Pai 2023 küm January aser Septemer ita iba naroküm ngua liasü.

Asian Championship atema trails March 15 nü agütsü

Metsüremi/March 12, 2025 (Agencies): National Sports Federation (NSF) ka ama jenjang tanaben meyipa anguba sülen Wrestling Federation of India (WFI)-i taruba Asian Championship atema selection trials agütsüba sangdongogo.

Iba trails ya March 15 nü Delhi kübok Indira Gandhi Sports Complex nung agütsü.

WFI administration tasenba kübok tang mezügbuba trial ka ayongzükba agütsü, kechiyong ketdangpur tasen shimtsü atema 2023 küm December ita 21 nü election agiba sülen anogo asem lir WFI ya suspend süja liasü.

Amman, Jordan nung March 25 nungi 30 tashi nung asayatsü aliba iba asayamung nung linük tenüng nungi asayatsü atema atema iba trails ayongzükba

agütsü. WFI sangdong ka ajanga ashiba agi, men's freestyle, women's wrestling and Greco Roman style atema weigh-in ya trials agiba nü agütsü, aser shilem agir ajak nem seret ana relaxation agütsütsü.

Suspend sütsür aliba mapang WFI-i national team tem meshimteti liasü, kechiyong taoba WFI tekolakba Brij Bhushan Sharan Singh anema longkak aitba wrestler temi federation ya okadaki anir oa liasü.

WFI-i inyakyim nung aibelena aliba metongshiba ngutetba sülen parnok suspend sütsür aliba aginogo. Inyakyim metongshiba nung Brij Bhushan'er kima nungi association indang office belenba densema lir.

State-level volleyball referee course cum exam ayonger



KDVA ketdangpurtem noksa.

Kohima, Metsüremi/March 12 (TYO): Nagaland Volleyball Association-i ayongzükba State-Level Volleyball Referee Course cum exam agütsü, koba Kohima District Volleyball Association (KDVA)-i achaayangtsü.

Iba sentong ya volleyball referee tem shisatsü aser tasatem tajungba kümdaktsütsü aser iba ajanga parnok nem iba asaya tajungtiba nung achaayangdaktsütsü nükjiding nung ayongzükogo.

State-Level Volleyball Referee Course cum exam ya Tsiesema Multi purpose Hall, Kohima nung April 1 nungi 5 tashi agütsü.

Course yagisa volleyball temzüng ozüng aser officiating techniques tasentem ayimjemtsü aser iba ajanga referee tejen aser tasentem ajak nem parnok sempet arangtetshitsü aser shisatsü tali angutsü atema maongka agütsütsü.

Sentong nung theoretical sessions aser practical assessments tem densema

alitsü. Sentong nung shilem agirtem state kübok tetoktepba balala officiate asütsü atema kanga junga renemtsütsü nükjiding nung item tangazükba balala agütsütsü.

KDVA aser NVA nati referee akümtsü jangraratem, coach aser asayartem densema volleyball asaya meimertem dang iba sentong asoshi renemtsü metetdaktsüogo.

Course ya ajak atema asütsü aser shirnok tama züngoksemdir parnok nem tamsa maongka agütsütsü. Iba sentong ya certification program ka aser asaya balala achaayang alirtem atema refresher course ama lir, koba ajanga Nagaland nung volleyball officiating jenjang tajungba kümdaktsütsü.

Course nung shilem agütsü atema online ajanga tenüng züngoksemtetstü. Osang tejangjaba agütsü atema item number; 9856569364 / 9615690368 nung t o n g t e p r a t e p t s ü metetdaktsüogo.

BILEMDANGANG

"Tetsübu agi nisung ka tejakleni meyoki amoksepa ayur."